

Na osnovu provedenog postupka direktonog sporazuma shodno članu 90. Zakona o javnim nabavkama („Sl. glasnik BiH“, broj 39/14) i članu 8. tačka b) Pravilnika o postupku direktnog sporazuma broj: 27-2U.O./15 od 29.01.2015. godine, a u skladu sa odredbama Zakona o obligacijskim odnosima („Službeni list RBiH“, br. 2/92, 13/93 i „Službene novine Federacije BiH“ br. 13/94 i 42/11), dana 09.03.2020. godine u Sarajevu, z a k l j u č u j e s e

## **U G O V O R**

### **o vršenju usluga procjene zdravstvenog stanja šuma u zaštićenim prirodnim područjima Kantona Sarajevo**

I z m e đ u

- 1. KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28, 71 000 Sarajevo, Identifikacioni broj 4201424050008, a koju zastupa direktor mr. sci. Osman Delić, kao Naručioc sa jedne strane i
- 2. UNIVERZITET U SARAJEVU, ŠUMARSKOG FAKULTETA U SARAJEVU**, sa sjedištem u ulici Zagrebačka br. 20, 71 000 Sarajevo, Identifikacioni broj 4200174900004, PDV broj 200174900004, a koju zastupa dekan prof.dr. Mirza Dautbašić, kao Izvršioc sa druge strane.

#### **I-PREDMET UGOVORA**

##### **Član 1.**

Naručioc naručuje, a Izvršioc preuzima obavezu da izvrši usluge, procjene zdravstvenog stanja šuma u zaštićenim prirodnim područjima Kantona Sarajevo što uključuje:

1. Determinacija i kvantifikacija ulova potkornjaka na godišnjem nivou za monitoring do 40 lovnihi klopki;
2. Izrada periodičnog izvještaja o rezultatima determinacije i kvantifikacije ulova potkornjaka;
3. Usluga terenskog izlaska eksperta iz oblasti zaštite šuma na procjeni zdravstvenog stanja šumskih ekosistema na tri zaštićena prirodna područja i
4. Izrada završnog izvještaja o procjeni ugroženosti područja od napada populacije potkornjaka i drugih štetnih insekata i bolesti šuma na zaštićenim prirodnim područjima, sa prijedlogom mjera na njihovom suzbijanju.

#### **II- CIJENA**

##### **Član 2.**

Ukupna cijena za izvršene usluge iz člana 1. Ugovora, utvrđuje se u nepromjenjivom fiksnom iznosu od 4.980,00 KM bez PDV-a, odnosno 5.826,60 KM sa uračunatim PDV-om na osnovu ponude Izvršioca broj01/1-765/20 od 04.03.2020. godine.

Cijena usluga koja je utvrđena u stavu 1. ovog člana je fiksna, odnosno ne podliježe bilo kakvim promjenama.

Novčana sredstva će se doznačiti na Depozitni račun kantona Sarajevo broj 1411965320008475 - otvoren kod Bosna Bank International d d.

### III- PLAĆANJE

#### Član 3.

Plaćanje će se izvršiti u cjelokupnom iznosu nakon realizacije usluga i dostave izvještaja o procjeni zdravstvenog stanja šuma u zaštićenim prirodnim područjima.

### IV- OBAVEZE IZVRŠIOCA

#### Član 4.

Izvršioc se obavezuje da će:

- vršiti determinaciju i kvanifikaciju ulova potkornjaka na godišnjem nivou (2020.-te godine),
- izvršiti terenski izlazak stručnjaka iz ove oblasti na procjeni zdravstvenog stanja šuma na sva tri područja (nadzor nad instaliranjem lovnih klopki i praćenje aktivnosti na prikupljanju ulova u feromonskim klopka),
- sačinjavanje i dostava godišnjeg izvještaja i procjene ugroženosti ovih područja od napada populacije potkornjaka sa prijedlogom mjera na njihovom suzbijanju.

### V- OBAVEZE NARUČIOCA

#### Član 5.

Naručioc se obavezuje da će:

- Izvršiocu redovno dostavljati ulov potkornjaka iz klopki sa feromonskim mamcima sa zaštićenih prirodnih područja Kantona Sarajevo,
- Izvršiti plaćanje usluge iz člana 3. Ugovora.

### VI- ROK VRŠENJA USLUGA

#### Član 6.

Usluge će se vršiti u roku nakon potpisivanja Ugovora do 31.12.2020. godine.

### VII -OSTALE ODREDBE

#### Član 7.

Na druge uslove koji nisu regulisani ovim ugovorom, primjenjivat Zakona o obligacijskim odnosima.

#### Član 8.

Ugovorne strane su saglasne da će eventualne sporove po ovom ugovoru rješavati sporazumno, a ukoliko to nije moguće nadležan je sud u Sarajevu.

#### Član 9.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

Univerzitet u Sarajevu Šumarski fakultet u Sarajevu

Kantonalna javna ustanova  
za zaštićena prirodna područja

DEKAN  
  
prof.dr. Mirza Dautbašić



DIREKTOR  
  
mr.sci. Osman Delić

Broj: 01/1-815/20  
Sarajevo, 10.03.2020 godine

Broj: 05-2-05-11/20 E.R.-B.  
Sarajevo, 09.03.2020. godine